

ORDE do 29 de decembro de 2015 pola que se establecen as bases reguladoras para a concesión de axudas de compensacións complementarias e axudas para a reposición dos animais en explotacións de gando bovino, ovino e cabrún, como consecuencia do sacrificio obrigatorio de gando, en execución de programas oficiais de erradicación de enfermidades, e se convocan para o ano 2016. Consellería do Medio Rural. DOG N° 248 (30/12/2015).

Obxecto

O obxecto desta orde é establecer as bases reguladoras e convocar para o ano 2016:

1. As axudas de compensacións complementarias por lucro cesante nos casos de inactividade nas explotacións de gando bovino, e ovino e cabrún, rexistradas en Galicia, por motivo da vixilancia, loita, control ou erradicación de enfermidades destas especies, levados a cabo no marco de programas ou actuacións sanitarias oficiais.
2. As axudas para a compra de animais das especies bovina, ovina e cabrúa que teña por obxecto a reposición de efectivos, naquelas explotacións rexistradas en Galicia en que se ordenou o sacrificio de animais destas especies, despois do diagnóstico dunha enfermidade sometida a un programa ou a unha actuación sanitaria oficial de vixilancia, loita, control ou erradicación; tamén se incluírán os casos de animais desas especies que morresen neses marcos sanitarios oficiais citados, e os casos de morte/sacrificio deses animais a consecuencia dun programa oficial obrigatorio de vacinación.

Persoas beneficiarias

1. Poderán ser persoas beneficiarias das axudas de compensacións complementarias por lucro cesante, as persoas titulares (físicas e xurídicas) de explotacións bovinas, ovinas e cabrúas en que se sacrificase ou destruíse de forma preventiva a totalidade do seu censo, por motivos de sospeita e/ou confirmación da presenza dalgunha enfermidade sometida a un programa ou a unha actuación sanitaria oficial de vixilancia, loita, control ou erradicación.
2. Poderán ser persoas beneficiarias das axudas para a compra de animais de reposición, as persoas titulares (físicas e xurídicas) de explotacións bovinas, ovinas e cabrúas, en que se ordenase o sacrificio obrigatorio de animais existentes nelas, e como consecuencia do diagnóstico dunha enfermidade sometida a un programa ou a unha actuación sanitaria oficial de vixilancia, loita, control ou erradicación, así como as persoas titulares daquelas explotacións onde morresen ou se practicase a eutanasia de animais das ditas especies, por mor dunha enfermidade sometida a un programa ou a unha actuación sanitaria oficial de vixilancia, loita, control ou erradicación, ou por mor dun programa oficial obrigatorio de vacinación

Contía das Axudas de compensacións complementarias por lucro cesante

1. O importe das compensacións complementarias por lucro cesante en explotacións de gando bovino, ovino e cabrún, será determinado con base nos cálculos aplicados ás marxes brutas das principais actividades produtivas gandeiras das explotacións, que se xuntan como anexo I a esta orde, tendo en conta o período de inactividade da explotación desde o día seguinte a aquel en que sexa efectivo o seu baleiro sanitario (a data real do baleiro é a data de sacrificio do último animal que saíu da explotación), e que fose ordenado pola

autoridade competente.

ANEXO I

Axudas de compensacións complementarias

Marxes brutas das principais actividades produtivas gandeiras das explotacións (valor en euros/unidade)

Actividade	Unidades de produción	Características	Pdto. bruto	G. variable	Marxe bruta
Cabrún	Nai	Sen primas	102,17	9,62	92,56
Ovino	Nai	Sen primas	60,10	9,62	50,49
Vacún de carne	Femia	Elexibles	1.047,00	358,73	688,27
Vacún de carne	Femia	Non elexibles	857,04	358,20	498,84
Vacún de leite	kg leite/ano	< 50.000 kg/explotación	0,33	0,15	0,18
Vacún de leite	kg leite/ano	De 50.001 a 100.000 kg/explotación	0,33	0,14	0,19
Vacún de leite	kg leite/ano	> 100.000 kg/explotación	0,35	0,15	0,20
Xatos ceba	Praza (1,25 xato)	0-8 meses	854,19	628,81	225,38

Contía das Axudas para a compra de gando bovino, ovino e cabrún para a reposición

As axudas para a compra de animais bovinos, ovinos ou cabrúns destinados á reposición poderán concederse nas contías e cos límites seguintes:

1. 400 euros por animal adquirido da especie bovina, e 40 euros por animal comprado para o gando ovino e o cabrún (houbese ou non baleiro sanitario na explotación); estes importes por animal serán incrementados nun 10 % se a explotación pertencía a unha Asociación de Defensa Sanitaria Gandeira (ADSG) nos casos e datas seguintes, e no marco do artigo 1.2 desta orde:

Tendo en conta os importes establecidos neste punto 1, o importe total da axuda será ata un máximo de 20.000 euros por persoa beneficiaria nos casos de baleiro sanitario da explotación, e ata un máximo de 12.000 euros por persoa beneficiaria nos casos en que non se realizase o baleiro sanitario da explotación.

2. Ademais do establecido no punto 1 anterior, poderá concederse unha contía adicional para cada animal bovino comprado nos casos seguintes:

a) Se os animais bovinos sacrificados pertencían a explotacións incluídas en núcleos de control leiteiro oficial, nun importe por animal igual ao resultado de multiplicar:

- ✓ 0,15 euros polos quilos de leite resultantes de aplicar a diferenza entre o rendemento leiteiro medio das lactacións válidas finalizadas, de polo menos o 60 % das femias da explotación con maior rendemento, e a cantidade de 6.700 quilos.

b) Se os animais bovinos sacrificados tiñan menos de 12 anos de idade na data do seu sacrificio, pertencían a unha raza pura cárnica e estaban inscritos no libro xenealóxico da citada raza, poderase engadir unha contía adicional por animal de:

- ✓ 150 € en animais sacrificados con cualificación morfolóxica de 65 a 72 puntos.
- ✓ 300 € en animais sacrificados con cualificación morfolóxica de 73 a 80 puntos.

- ✓ 450 € en animais sacrificados con cualificación morfolóxica de máis de 80 puntos.

Aplicarase a cualificación morfolóxica que figure na carta xenealóxica do animal.

O límite máximo por persoa beneficiaria, tendo en conta tamén esta contía adicional do punto 2, será de 36.000 euros

Prazo de presentación de solicitudes

O prazo de presentación das solicitudes e dos traballos remata o 30 de novembro de 2016